



YMUNWCH Â NI

PRENTIS TECHNEGYDD LGV

PECYN GWYBODAETH I

YMGEISWYR



Gwasanaeth Tân ac Achub
De Cymru

South Wales
Fire and Rescue Service

RAISING AWARENESS - REDUCING RISK

PWY YDYM NI

“I WNEUD DE CYMRU'N DDIOGELACH, TRWY LEIHOU RISG”

Ni yw Gwasanaeth Tân ac Achub De Cymru a'n gweledigaeth, ein cenhadaeth a'n gwerthoedd sy'n gyrru ac yn cymell ein pobl i wneud de Cymru'n fwy diogel, drwy leihau risg. Ein nod yw amddiffyn a gofalu am y 10 Awdurdod Unedol sy'n creu ein hardal amrywiaethol trwy weithio mewn partneriaeth â chydweithwyr gwasanaethau rheng flaen eraill

Rydym yn cyflogi tua 1700 o bobl ar draws De Cymru mewn cymysgedd o rolau Gweithredol a Chorfforaethol, gyda'r rhan fwyaf o'n staff corfforaethol wedi'u lleoli yn ein pencadlys yn Llantrisant.

Cefnogir y gwasanaethau rheng flaen a ddarperir gan Staff Gweithredol Gwasanaeth Tân ac Achub De Cymru gan nifer o dimau, sy'n cyflawni rolau gweinyddol a thechnegol. Mae Staff Gweithredol a Chorfforaethol yn cydweithio'n agos i ddarparu lefel uchel o wasanaeth i gymunedau De Cymru

Mae Amrywiaeth, Cynhwysiant, Cydlyniant a Thegwch yn flaenoriaeth i Wasanaeth Tân ac Achub De Cymru ac mae gennym ymrwymiad i ymdrechu i adlewyrchu'r cymunedau yr ydym yn eu gwasanaethu.

PROFFIL SWYDD

Gwnewch gais erbyn: 11eg Ebrill 2025

Rhagwelir y bydd y rhestr fer yn cael ei llunio: 15fed Ebrill 2025

Rhagwelir y cynhelir cyfweiliadau: 22ain Ebrill 2025

Mae 2 x gyfle cyffrous ar gyfer Prentis Technegwyr LGV wedi codi yn y Gweithdai Fflyd a Pheirianeg yn ein Pencadlys yn Llantrisant. Mae'r Gwasanaeth yn gweithredu fflyd gyda dros 400 o gerbydau a bydd yr ymgeisydd llwyddiannus yn rhan o dîm ac mae ei rôl yn cynnwys gwasanaethu, atgyweirio a chynnal a chadw cerbydau, peiriannau ac offer arbenigol.

Mae swydd Prentis Technegydd LGV yn heriol ac yn foddhaus. Bydd disgwyl i'r ymgeisydd llwyddiannus ddatblygu ei lefel o arbenigedd technegol a gwybodaeth am weithio'n ddiogel trwy law raglen Addysg Bellach o fewn y gweithle ac amgylchedd Coleg.

Dylai ymgeiswyr allu dangos lefel sylfaenol o ddawn fecanyddol. Mae awydd i ddysgu a deall y disgyblaethau peirianeg fodurol niferus sy'n rhan o sgiliau cyffredinol Technegydd hefyd yn hanfodol. Bydd disgwyl i ddeiliad y swydd ennill y Brentisiaeth Sylfaen cymwysterau Lefel 2 a 3 ochr yn ochr â'i waith o ddydd i ddydd.

Shortlisted candidates will receive a course document from Cardiff and Vale College detailing the core subject areas of the apprenticeship. Bydd ymgeiswyr ar y rhestr fer yn derbyn dogfen gwrs gan Goleg Caerdydd a'r Fro yn manylu ar feysydd pwnc craidd y brentisiaeth.

- **Contract:** Prentisiaeth (Prentisiaeth 4 Blynedd Contract Cyfnod Penodol)
- **Cyfraddau Cyflog yr Awr:**
Blwyddyn 1 – £7.37 - £10.41 yr awr (yn dibynnu ar oedran)
Blwyddyn 2 – £9.20 - £11.02 yr awr (yn dibynnu ar oedran)
Blwyddyn 3 – £11.63 yr awr
Blwyddyn 4 – £12.24 yr awr
- **Oriau Gwaith:** 37 awr yr wythnos
- **Cyfarwyddiaeth:** Fflyd a Pheirianeg
- **Cyfeirnod Swydd:** NU0080
- **Lleoliad:** Llantrisant a CCAF – Caerdydd (Campws Canol y Ddinas)

SWYDD-DDISGRIFIAD

Mae'r disgrifiad swydd hwn yn cyfeirio at brif bwrpas a chyfrifoldebau'r swydd. Nid yw o reidrwydd yn rhestru'n fanwl yr holl dasgau sydd eu hangen i gyflawni'r cyfrifoldebau hyn. Bydd y disgrifiad swydd hwn yn cael ei adolygu yn ôl yr angen i sicrhau ei fod yn cwrdd â gofynion busnes y Gwasanaeth.

Yn atebol i: Rheolwr Gweithdy – Fflyd a Pheirianeg

Yn gyfrifol am: Amherthnasol

DYLETSWYDDAU A CHYFRIFOLDEBAU

1. Trwsio a chynnal a chadw cerbydau ac offer peiriannau, gan gynnwys gweithdrefnau archwilio a phrofi.
2. Gweithio fel technegydd mecanyddol aml-sgiliau dan hyfforddiant gan ddatblygu sgiliau ychwanegol gan gynnwys trwsio weldio trwy aml bwrpas, gwneuthuriad, atgyweirio, cynnal a chadw a gwneud diagnosis o ddiffygion systemau hydrolog a niwmatig a diagnosis a chywiro namau trydanol ac electronig.
3. Cwblhau'n llwyddiannus cymwysterau Prentisiaeth Sylfaen Lefel 2 a 3 ochr yn ochr â'u gwaith o ddydd i ddydd.
4. Casglu a dosbarthu cerbydau, peiriannau ac offer ar gyfer atgyweirio a chynnal a chadw a hefyd fodloni gofynion gweithredol o fewn neu y tu allan i ardal Gwasanaeth Tân ac Achub De Cymru ar ôl cael trwydded yrru briodol.

Yn ychwanegol at y dyletswyddau a'r cyfrifoldebau a amlinellir uchod, bydd gofyn i ddeiliad y swydd:

1. Ymgymryd ag unrhyw ddyletswyddau eraill sy'n gymesurol â'u gradd a'u swydd.
2. Mynychu cyrsiau hyfforddi mewnol ac allanol yn ôl y gofyn.
3. Cydweithredu'n llawn ag unrhyw gynllun neu gynllun peilot a gyflwynir o fewn yr adran neu ar draws y Gwasanaeth.
4. Cymhwyso egwyddorion Gweithdrefn Urddas yn y Gweithle Datganiad Cydraddoldeb ac Amrywiaeth y Gwasanaeth wrth gyflawni'u dyletswyddau.
5. Amddiffyn plant, pobl ifanc neu oedolion sydd mewn perygl rhag niwed, gan adrodd unrhyw bryderon diogelu wrth ddefnyddio Gweithdrefn Ddiogelu'r Gwasanaeth.
6. Ufuddhau i Ddeddfwriaeth a Gweithdrefnau Iechyd a Diogelwch a chymryd gofal rhesymol mewn perthynas â'u hiechyd a diogelwch eich hunan ac eraill.

Y FANYLEB PERSON

HANFODOL

- ✓ TGAU Gradd C neu Uwch mewn Saesneg a Mathemateg NEU Sgiliau Hanfodol Lefel 2 mewn Cyfathrebu a Chymhwyso Rhif
- ✓ Y gallu i arddangos sgiliau mecanyddol sylfaenol
- ✓ Trwydded Yrru Categori B (Car) neu barodrwydd i hyfforddi ar gyfer Trwydded Categori B
- ✓ Dealltwriaeth a pharch at eraill
- ✓ Ymrwymiad a'r gallu i ddatblygu'ch hunan
- ✓ Y gallu i gyfathrebu'n effeithiol i ystod o wahanol gynulleidfaoedd
- ✓ Y gallu i weithio'n effeithiol gydag eraill o fewn y Gwasanaeth Tân ac Achub ac yn y Gymuned
- ✓ Y gallu i fabwysiadu agwedd gydwybodol a rhagweithiol at waith i gyflawni a chynnal safonau rhagorol
- ✓ Y gallu i ddeall, cofio, cymhwyso ac addasu gwybodaeth berthnasol mewn ffordd drefnus, ddiogel a systematig

DYMUNOL

- ✓ Y gallu i siarad neu barodrwydd i ddysgu Cymraeg

DS Mae'r rôl hon yn cynnwys teithio'n aml o Bencadlys Gwasanaeth Tân ac Achub De Cymru yn Llantrisant i Gampws Coleg Caerdydd a'r Fro yng Nghaerdydd, gallai fod cyfle hefyd i ymweld â'n gorsafoedd ledled De Cymru. Rhaid i'r ymgeisydd llwyddiannus allu teithio'n annibynnol.

Y BROSES YMGEISIO

Dylai ymgeiswyr lenwi ein ffurflen tystiolaeth llunio rhestr fer.
Dylai hwn fynd i'r afael â'r cwestiynau isod gydag ymateb nad yw'n fwy na 500 gair fesul cwestiwn (Uchafswm 2000 Gair)

Cwestiwn 1 – Cymwysterau:

Ydych chi wedi cyflawni o leiaf Gradd C mewn TGAU Saesneg a Mathemateg, ac a oes gennych chi Drwydded Categori B (Car)?

Cwestiwn 2 – Gwybodaeth a Phrofiad:

Beth yw lefel eich gwybodaeth neu brofiad mecanyddol?

Cwestiwn 3 – Arddull Bersonol a Rhyngbersonol:

Disgrifiwch sut rydych chi wedi ymrwymo i hunanddatblygiad gan ddangos dealltwriaeth a pharch at eraill hefyd.

Cwestiwn 4 – Tasg:

Eglurwch sut yr ydych chi'n dangos agwedd feddylgar a rhagweithiol at eich gwaith i sicrhau bod safonau uchel yn cael eu cyflawni a'u cynnal.

SUT | YMGEISIO

Ymgeiswyr Allanol

Mewngofnodwch i'n gwefan yn: www.decymru-tan.gov.uk/gweithio-â-ni/-swyddi-gwag

Dewiswch y rôl o'r 'Swyddi Gwag Presennol' a chliciwch ar y ddolen ar gyfer ein system e-recriwtio.

Sicrhewch fod pob adran o'r ffurflen gais wedi'i chwblhau a chofiwch atodi'r wybodaeth ategol sy'n manylu ar eich cymhwysedd ac sy'n mynd i'r afael yn uniongyrchol â meini prawf y rhestr fer.

Ymgeiswyr Mewnol

Mewngofnodwch i People XD/Core a llywio i 'swyddi gweigion cyfredol' i ddewis y swydd berthnasol. Sicrhewch fod pob adran o'r cais wedi'i chwblhau a chofiwch atodi'r wybodaeth ategol sy'n manylu ar eich cymhwysedd ac sy'n mynd i'r afael yn uniongyrchol â meini prawf y rhestr fer.

Pob Ymgeisydd

Os oes angen y ddogfen hon arnoch mewn fformat arall, megis print bras neu gefndir gwyn neu liw, neu fel arall angen ffurflen gais bapur, cysylltwch â'n tîm Recriwtio yn recriwtio@decymru-tan.gov.uk neu ffoniwch ni ar 01443 232300 a byddwn yn ymdrechu i helpu cyn gynted â phosibl.

Mae'r holl ddogfennaeth ar gael yn Gymraeg a Saesneg ill dau a chroesawn gyfathrebiadau yn y naill iaith â'r llall. Ni chaiff ceisiadau a gyflwynir yn Gymraeg eu trin yn llai ffafriol. Rhoddir cyfle i ymgeiswyr sy'n llwyddiannus yn y cam Rhestr Fer i gadarnhau eu dewis iaith ar gyfer cyfweiliadau ac asesiadau (gan gynnwys gwaith papur, cyflwyniadau ar lafar a chwestiynau cyfweld). Bydd trefniadau yn cael eu cadarnhau yn dilyn y gwahoddiad i gyfweiliad ac fe all gynnwys Cyfieithydd a Chyfieithu/neu Gyfieithu ar y Pryd

Mae Gwasanaeth Tân ac Achub De Cymru'n credu yng ngwir werth gweithlu amrywiol ac rydym yn dymuno annog yn rhagweithiol ymgeiswyr o bob sector cymdeithas i ymgeisio.

GWYBODAETH YCHWANEGOL

Gwiriadau Recriwtio Allanol

Bydd yr holl ymgeiswyr allanol yn destun y gwiriadau recriwtio canlynol cyn eu penodi:

- Gwiriadau manylach y Gwasanaeth Datgelu a Gwahardd (DBS).
- Gwiriadau hawl i weithio.
- Gwiriadau meddygol, iechyd a ffitrwydd.
- Gwiriadau trwydded yrru.
- Gwiriadau Tystlythyron.

Cod Moeseg Craidd CCPT

RHOI EIN CYMUNEDAU YN GYNTAF: Rydym yn blaenoriaethu lles y cyhoedd, y gymuned a defnyddwyr gwasanaeth.

UNIONDEB: Rydym yn gweithredu gydag uniondeb, gan gynnwys bod yn agored, yn onest ac yn gyson ym mhopeth a wnawn.

URDDAS A PHARCH: Gwneud penderfyniadau'n wrthrychol ar sail tystiolaeth, heb wahaniaethu na thuedd.

ARWEINYDDIAETH: Rydym i gyd yn fodolau rôl cadarnhaol, bob amser yn dangos hyblygrwydd ac arweinyddiaeth hydwyth. Rydym i gyd yn atebol am bopeth a wnawn ac yn herio pob ymddygiad nad yw'n cyrraedd y safonau uchaf.

CYDRADDOLDEB, AMRYWIAETH A CHYNHWYSIAD: Rydym yn cydnabod ac yn hyrwyddo gwerth CAC yn barhaus o fewn GTADC a'r cymunedau ehangach yr ydym yn eu gwasanaethu. Rydym yn sefyll yn erbyn pob math o wahaniaethu, yn creu cyfle cyfartal, yn hyrwyddo cydraddoldeb, yn meithrin cysylltiadau da ac yn dathlu gwahaniaeth.



Dyma'r sylfaen ar gyfer ein gwerthoedd yng Ngwasanaeth Tân ac Achub De Cymru a bydd yn ein helpu i greu amgylchedd sy'n groesawgar, yn oddefgar ac yn ddiogel, heb unrhyw le i ymddygiadau amhriodol a champau gweithredu sy'n bygwth, amharchu neu'n dychryn eraill

BUDDION

Gwyliau Blynyddol – Lwfans gwyliau blynyddol hael.

Rhaglen Cymorth i Weithwyr - Mae'r RhGG yn darparu cyngor a chymorth cyfrinachol, diduedd 24 awr y dydd, 365 diwrnod y flwyddyn. Mae'r gwasanaeth yn rhad ac am ddim i weithwyr gael mynediad iddo pryd bynnag y bo angen.

Vivup – Darparwr buddion gweithwyr sydd wedi ennill gwobrau ac sy'n cynnig pentwr o fanteision ac arbedion iechyd a lles i'r holl staff ar draws nifer o frandiau mawr.

Mae rhai o fanteision y platfform hwn yn cynnwys:

- **Cynllun Seiclo i'r Gwaith**
- **Cynllun ceir Tusker**
- **Gostyngiad nwyddau i'r cartref a nwyddau electroneg**

Oriau Gwaith Hyblyg – Mae staff corfforaethol yn gallu gweithio oriau hyblyg. Gydag oriau craidd o 10yb – 12yp a 2yb – 3yp; Gallwch gwblhau balans eich oriau unrhyw bryd rhwng 7yb a 7yp.

Dysgu a Datblygu – Mae GTADC yn cydnabod bod gweithwyr sydd wedi'u hyfforddi'n dda yn allweddol i lwyddiant. Gyda Chanolfan Hyfforddi bwrpasol ym Mhorth Caerdydd a thimau hyfforddi arbenigol, mae digon o gyfleoedd i dyfu a datblygu sgiliau newydd.

Campfa - Ble bynnag yr ydych wedi'ch lleoli fel gweithiwr Gwasanaeth Tân ac Achub De Cymru, mae mynediad i'n cyfleusterau campfa ar gael i bawb, yn rhad ac am ddim.



Ymgynghorwyr Iechyd a Ffitrwydd - Mae ein Hymgyngorwyr Iechyd a Ffitrwydd yn monitro lefelau ffitrwydd staff gweithredol. Gallant hefyd gynnig cyngor iechyd a ffitrwydd i bob gweithiwr ar gais.

Elusen Diffoddwyr Tân - Gall pob gweithiwr, ynghyd â'u dibynyddion, fod yn fuddiolwyr yr elusen. Mae'r elusen yn darparu cymorth iechyd a lles i holl gymuned y Gwasanaeth Tân.

Parcio Ceir – Nid yw GTADC yn codi tâl am barcio yn unrhyw un o'i safleoedd.

Hyrwyddwyr Golau Glas Mind – Fel rhan o'n hymrwymiad parhaus i iechyd a lles, rydym yn cefnogi Rhaglen Golau Glas MIND. Mae'r rhaglen yn cynnig cymorth iechyd meddwl i weithwyr y gwasanaethau brys.

Iechyd Galwedigaethol - Nod yr Uned Iechyd Galwedigaethol yw cynyddu effeithlonrwydd iechyd a lles staff i'r eithaf a lleihau'r risgiau y mae staff yn agored iddynt o ganlyniad i arferion gwaith a'r amgylchedd.

Pensiwn – Mae staff cymorth yn gymwys i ymuno â chynllun pensiwn Llywodraeth Leol, sy'n gynllun pensiwn â buddion penodedig. Mae cyfraniadau gweithwyr yn seiliedig ar eich cyflog.

Chwaraeon a Chymdeithasol – Mae ein hadran chwaraeon a chymdeithasol yn dod â gweithwyr ynghyd o bob adran. Mae ffotograffiaeth, sgïo, crwydro, seiclo, pêl-droed, rygbi, syrffio a golff yn rhai o'r diddordebau a rennir.

Cyrsiau Cymraeg – Mae Gwasanaeth Tân ac Achub De Cymru yn cydnabod pwysigrwydd y Gymraeg yn y gweithle ac yn cynnig mynediad i bob gweithiwr i gyrsiau Cymraeg ar ystod o lefelau i weddu i bob angen.

Hyderus o ran Anabledd – Rydym yn falch o fod yn Gyflogwr Ymrwymedig Hyderus o ran Anabledd ardystiedig





Gwasanaeth Tân ac Achub
De Cymru

South Wales
Fire and Rescue Service

South Wales Fire and Rescue Service

Recruitment & Retention Team
Fire Service Headquarters
Forest View Business Park
Llantrisant
CF72 8LX

Recruitment Line – 01443 232200
recruitment@southwales-fire.gov.uk



www.southwales-fire.gov.uk/working-with-us

SCAN ME

